

Na osnovu člana 16. stav (4) Zakona o naučnoistraživačkom radu („Službene novine Tuzlanskog kantona“, broj: 14/18, 8/21, 16/22, 9/23, 3/24, 2/25 i 18/25), člana 79. stav (2) Zakona o izvršenju Budžeta Tuzlanskog kantona za 2026. godinu („Službene novine Tuzlanskog kantona“, broj: 18/25), i Odluke o utvrđivanju programa iz oblasti naučnoistraživačkog rada i tehnološkog razvoja koji će se finansirati ili sufinansirati iz Budžeta Tuzlanskog kantona za 2026. godinu (broj: 10/1-35-000670-3/26 od 17.3.2026. godine), ministar obrazovanja i nauke Tuzlanskog kantona uz prethodnu saglasnost Vlade Tuzlanskog kantona, broj: 02/1-35-670-7/26 od 17.3.2026. godine, donosi

O D L U K U
o utvrđivanju uvjeta, kriterija i postupka dodjele sredstava za program održavanja naučnih skupova

I – OPĆE ODREDBE

Član 1.
(Predmet)

Ovom odlukom utvrđuju se uvjeti, kriteriji i postupak dodjele sredstava iz Budžeta Tuzlanskog kantona za sufinansiranje programa održavanja naučnih skupova.

Član 2.
(Finansijska sredstva)

(1) Sredstva za sufinansiranje programa održavanja naučnih skupova osiguravaju se u Budžetu Tuzlanskog kantona za 2026. godinu na poziciji „24010019 – Nauka“.

(2) Prilikom raspodjele sredstava iz stava (1) ovog člana uzet će se u obzir potrebe i interesi naučnoistraživačkog razvoja Tuzlanskog kantona, potrebe i interesi naučnoistraživačkog razvoja univerziteta i drugih naučnoistraživačkih ustanova, kao i razvoj naučnoistraživačke djelatnosti, a u skladu sa Strategijom razvoja Federacije Bosne i Hercegovine 2021.-2027. godine, Strategijom razvoja Tuzlanskog kantona za period 2021.-2027. godina, te drugim sektorskim strategijama i strategijama razvoja lokalnih zajednica na području Tuzlanskog kantona, kao i drugim strateškim dokumentima na državnom i međunarodnom nivou.

(3) Za sufinansiranje programa iz stava (1) ovog člana za 2026. godinu odobrit će se sredstva u iznosu od 100.000,00 KM.

(4) Maksimalan iznos traženih i odobrenih sredstava za sufinansiranje po jednom naučnom skupu može biti do 6.000,00 KM.

Član 3.
(Pojam naučnog skupa)

(1) Naučni skup, u smislu ove Odluke, je organizirani oblik naučno-stručnog okupljanja (konferencija, kongres, simpozij, okrugli sto ili drugi sličan oblik), čija je osnovna svrha prezentacija, razmjena i kritička rasprava rezultata naučnoistraživačkog rada, a koji:

- a) ima jasno definisanu naučnu temu ili tematske cjeline,
- b) uključuje aktivno učešće naučnika i istraživača iz odgovarajućih naučnih oblasti,
- c) rezultira objavljivanjem radova sa naučnog skupa u zborniku radova/zborniku apstrakata ili odgovarajućem časopisu,
- d) doprinosi razvoju naučnoistraživačke djelatnosti i naučne saradnje u skladu sa Zakonom o naučnoistraživačkom radu.

(2) Naučnim skupom se ne smatraju stručne, promotivne, edukativne ili komercijalne manifestacije bez naučne evaluacije radova.

II – UVJETI I KRITERIJI ZA DODJELU SREDSTAVA

Član 4.

(Uvjeti za sufinansiranje)

(1) Uvjeti za sufinansiranje troškova organizovanja naučnih skupova (kongresa, simpozija i konferencija) su:

- a) da je organizator naučnog skupa sa područja Tuzlanskog kantona,
- b) da je organizator naučnog skupa upisan u Registar naučnoistraživačkih organizacija
- c) da se skup održava na području Tuzlanskog kantona,
- d) obezbijeđeno minimalno sufinansiranje u iznosu 30% potrebnih sredstava iz drugih izvora.

(2) Kriteriji za sufinansiranje troškova organizovanja naučnih skupova (kongresa, simpozija i konferencija) i način bodovanja su sljedeći:

- a) tradicija i kontinuitet održavanja naučnog skupa (maksimalno 15 bodova):
 - organizovan 1 do 3 puta ranije 5 bodova
 - organizovan 4 do 7 puta ranije 10 bodova
 - organizovan 8 i više puta ranije 15 bodova
- b) obuhvat naučnih disciplina, interdisciplinarnost i aktuelnost tematike naučnog skupa (maksimalno 20 bodova):
 - broj obuhvaćenih naučnih disciplina – ako naučni skup obuhvata jednu naučnu disciplinu dodjeljuju se 4 boda, a ako naučni skup obuhvata dvije ili više naučnih disciplina dodjeljuje se 8 bodova
 - interdisciplinarni pristup – ako je naučni skup interdisciplinaran dodjeljuje se 6 bodova
 - aktuelnost tematike naučnog skupa – tematika je obrazložena u odnosu na savremena naučna pitanja, aktuelne istraživačke izazove ili nove istraživačke pravce do 6 bodova;
- c) struktura i referentnost učesnika naučnog skupa (maksimalno 20 bodova):
 - do 30% učesnika iz reda lica u naučnim i istraživačkim zvanjima 5 bodova
 - od 30% do 60% učesnika iz reda lica u naučnim i istraživačkim zvanjima 10 bodova
 - više od 60% učesnika iz reda lica u naučnim i istraživačkim zvanjima 15 bodova
 - aktivno učešće doktoranata i mladih istraživača dodatnih 5 bodova
- d) način naučne evaluacije i kvaliteta radova (maksimalno 20 bodova):
 - uspostavljen je sistem recenziranja sažetaka radova 10 bodova
 - uspostavljen je sistem recenziranja cjelovitih radova 15 bodova
 - unaprijed definisani i javno dostupni kriteriji za recenziju radova dodatnih 5 bodova
- e) međunarodna dimenzija naučnog skupa (maksimalno 10 bodova):
 - naučni skup sa regionalnim učešćem 5 bodova
 - naučni skup sa međunarodnim učešćem 10 bodova
- f) rezultati i diseminacija naučnih rezultata naučnog skupa (maksimalno 15 bodova):
 - objavljivanje zbornika apstrakata 5 bodova
 - objavljivanje zbornika radova ili tematskog broja naučnog časopisa 10 bodova
 - otvoreni pristup publikacijama i indeksacija ili planirana indeksacija u referentnim bazama 15 bodova.

(3) Regionalnim učešćem u smislu ove Odluke smatra se aktivno učešće učesnika iz država regiona Zapadnog Balkana i neposrednog okruženja (Republika Srbija, Republika Hrvatska, Crna Gora, Republika Sjeverna Makedonija, Republika Slovenija i druge države regiona), dok se međunarodnim učešćem smatra aktivno učešće učesnika iz drugih država izvan regiona Zapadnog Balkana.

(4) Ministarstvo dodjeljuje, u skladu sa finansijskim mogućnostima, podršku organizaciji naučnih skupova isključivo u dijelu koji se odnosi na materijalne troškove pripreme i održavanja naučnih skupova, i to:

- e) promotivni materijal, obezbjeđenje prostora za rad naučnog skupa, putni troškovi, troškovi smještaja i ishrane i sl.
- f) objavljivanja radova sa naučnog skupa u zborniku radova/zborniku apstrakata ili odgovarajućem časopisu

(5) Ministarstvo neće sufinansirati skupove koji ostvare manje od 40 bodova u skladu sa kriterijima iz stava (2) ovog člana.

(6) Uz popunjeni prijavni obrazac za sufinansiranje naučnih skupova potrebno je priložiti:

- a) osnovne podatke o naučnom skupu, koji sadrže: naziv naučnog skupa, obrazloženje i kratak sadržaj skupa, obrazloženje interdisciplinarnosti i aktuelnosti, planirani datum i mjesto održavanja, naučne oblasti i tematske cjeline koje skup obuhvata;
- b) program ili nacrt programa naučnog skupa, iz kojeg su vidljivi planirani oblici rada (plenarni dio, tematske sesije i slično);
- c) spisak planiranih učesnika, sa naznačenim institucijama, državama iz kojih dolaze, te naučnim ili istraživačkim zvanjima učesnika;
- d) dokaz o načinu naučne evaluacije radova (opis recenzentskog postupka, sastav programskog ili naučnog odbora, kriterije za izbor i prihvatanje radova, dokaz o javno dostupnim kriterijima);
- e) dokaz o rezultatima i diseminaciji naučnih rezultata (plan objavljivanja zbornika apstrakata ili zbornika radova, plan objavljivanja tematskog broja naučnog časopisa, informacije o otvorenom pristupu i planiranoj ili postojećoj indeksaciji publikacija);
- f) dokaz o međunarodnoj ili regionalnoj dimenziji naučnog skupa (spisak stranih učesnika sa državama iz kojih dolaze, pozivna pisma, potvrde o učešću ili druge relevantne dokaze o aktivnom učešću);
- g) dokaz o kontinuitetu održavanja naučnog skupa, ukoliko se skup organizuje više puta (programi ranijih skupova, naslovne stranice zbornika radova ili druge publikacije iz prethodnih godina);
- h) finansijski plan organizacije naučnog skupa, sa potpunom specifikacijom planiranih troškova;
- i) dokaz o obezbijeđenim sredstvima iz drugih izvora finansiranja, u iznosu od najmanje 30% ukupnih troškova iz kojeg se jasno vidi iznos obezbijeđenih sredstava (ugovor/sporazum sa privrednim društvom, drugom naučnoistraživačkom organizacijom, ili drugim subjektom sa jasno navedenim iznosom obezbijeđenih sredstava, ugovore ili sporazume sa donatorima ili sponzorima, izjavu o vlastitom finansijskom učešću, potvrda/izjava naučnoistraživačke organizacije o iznosu i namjeni obezbijeđenih sredstava, potvrde ili izjave drugih subjekata o obezbijeđenim sredstvima);
- j) identifikacioni broj i spesimen potpisa sa brojem žiro računa, odnosno naziv banke i broj žiro računa pravnog lica otvorenog kod banke i filijala.
- k) druge dokumente, ukoliko su neophodni za dokazivanje ispunjenosti uvjeta i kriterija propisanih ovom Odlukom.

III – POSTUPAK DODJELE SREDSTAVA

Član 5.

(Raspisivanje javnog poziva)

- (1) Sredstva iz člana 2. ove Odluke dodijelit će se putem javnog poziva.
- (2) Odluku o raspisivanju javnog poziva za raspodjelu planiranih budžetskih sredstava sa budžetske pozicije 24010019 - "Nauka" za program održavanja naučnih skupova donosi Ministarstvo.
- (3) Tekst javnog poziva utvrđuje Ministarstvo.
- (4) Tekst javnog poziva se objavljuje na zvaničnoj veb stranici Ministarstva, od kada počinje teći rok za predaju dokumentacije.
- (5) Javni poziv iz stava (4) ovog člana informativno se objavljuje i na veb stranici Vlade Kantona, ali objava na veb stranici Vlade Kantona ne utiče na tok trajanja roka za predaju dokumentacije.
- (6) Javni poziv ostaje otvoren do 30.11.2026. godine, ili do utroška planiranih sredstava, o čemu će Ministarstvo obavijestiti potencijalne podnosiocze zahtjeva putem svoje veb stranice.

Član 6.

(Prijava na javni poziv)

- (1) Prijave na javni poziv sa potrebnom dokumentacijom podnose se Ministarstvu u roku utvrđenom tekstom Javnog poziva.
- (2) Prijava na javni poziv se vrši putem odgovarajućeg prijavnog obrasca, koji se može preuzeti na veb stranici Ministarstva.
- (3) Kandidat je uz popunjen prijavni obrazac obavezan dostaviti i dokumentaciju propisanu članom 3. ove Odluke.
- (4) Podnosilac zahtjeva može podnijeti samo jednu prijavu za jedan naučni skup. Ukoliko prijava bude odbijena, podnosilac nema pravo podnošenja nove prijave po istom javnom pozivu.

Član 7.

(Imenovanje i sastav komisije)

- (1) Postupak po javnom pozivu provodi komisija koju imenuje ministar obrazovanja i nauke Tuzlanskog kantona (u daljem tekstu: ministar), u roku od 15 dana od dana raspisivanja javnog poziva.
- (2) Komisija iz stava (1) ovog člana ima tri člana, od čega su dva predstavnika Ministarstva i jedan predstavnik registrovanih naučnoistraživačkih organizacija, kojeg predlaže Kantonalni savjet za nauku i tehnologiju.
- (3) Komisija za svoj rad odgovara Ministru.
- (4) Članovi Komisije ne mogu biti lica čiji članovi porodičnog domaćinstva učestvuju u postupku za dodjelu sredstava po ovoj odluci.
- (5) Članovi Komisije prije početka rada potpisuju izjavu o povjerljivosti podataka.

Član 8.

(Postupak dodjele sredstava)

- (1) Prijave se razmatraju redosljedom zaprimanja, pod uvjetom da ispunjavaju propisane formalne i sadržajne uvjete.

(2) Komisija vrši ocjenu svake pojedinačne prijave bez međusobnog poređenja sa drugim prijavama, primjenjujući kriterije iz ove Odluke.

(3) Sredstva se dodjeljuju do utroška planiranih budžetskih sredstava.

(4) O podnesenim prijavama Komisija odlučuje u skladu sa odredbama Zakona o upravnom postupku.

(5) Na prijedlog Komisije Ministar donosi odluku o dodjeli sredstava ili odluku kojom se odbija zahtjev.

(6) Na osnovu odluka iz stava (5) ovog člana Ministarstvo i dobitnici sredstava potpisuju ugovor kojim se regulišu međusobna prava i obaveze.

Član 9.

(Izvještavanje o utrošku sredstava)

(1) Korisnik sredstava obavezan je da nakon održavanja naučnog skupa Ministarstvu obrazovanja i nauke Tuzlanskog kantona dostavi:

a) finansijski izvještaj o utrošku dodijeljenih sredstava, i

b) narativni izvještaj o održanom naučnom skupu.

(2) Finansijski izvještaj se podnosi u roku od 30 dana od dana održavanja naučnog skupa na posebnom obrascu koji je sastavni dio ove Odluke (Aneks II).

(3) Uz finansijski izvještaj, korisnik sredstava dostavlja i narativni izvještaj koji sadrži osnovne podatke o naučnom skupu, ciljeve i tematiku skupa, opis realizacije skupa, ostvarene rezultate, naučne i društvene efekte, te vidljivost i diseminaciju, i podnosi se na posebnom obrascu koji je sastavni dio ove Odluke (Aneks III)

(4) Narativni izvještaj služi kao osnov za vrednovanje uspješnosti realizacije naučnog skupa i predstavlja sastavni dio dokumentacije o izvršenju ugovora.

(5) Nedostavljanje ili neblagovremeno dostavljanje izvještaja iz stava (1) ovog člana smatra se neispunjavanjem ugovornih obaveza i može biti osnov za djelimični ili potpuni povrat dodijeljenih sredstava, a u skladu sa ugovorom.

(6) Ministarstvo može koristiti podatke iz finansijskih i narativnih izvještaja za izradu zbirnih analiza, izvještaja o realizaciji programa i unapređenje politike finansiranja naučnoistraživačke djelatnosti.

Član 10.

(Stupanje na snagu)

Odluka stupa na snagu danom davanja saglasnosti Vlade Kantona, važi za 2026. godinu, i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: 10/1-35-000670-7/26
Tuzla, 17.3.2026. godine

MINISTAR

Dr. sc. Ahmed Omerović

Aneks II – Obrazac finansijskog izvještaja

FINANSIJSKI IZVJEŠTAJ o utrošku sredstava dodijeljenih po javnom pozivu za Nauku

Korisnik sredstava	
Kontakt podaci	
Svrha dodjele sredstava	
Broj Odluke o dodjeli sredstava	
Odobrena sredstva	
Utrošena sredstva	
Vlastito učešće	
Sredstva drugih donatora	
Datum uplate sredstava na račun	

Mjesto i datum:

M.P.

Potpis ovlaštene osobe:

NAPOMENA:

Uz finansijski izvještaj kao dokaz o namjenskom utrošku sredstava obavezno priložiti:

- Fiskalne račune i odgovarajući račun A4 formata (potpisan od strane ovlaštene osobe i ovjeren pečatom) o kupovini roba ili pruženih usluga, (potrošnog materijala ili literature, promotivnih materijala, kopiranje, skeniranje i umnožavanje materijala i sl.)
- Dokaz da su računi plaćeni (kopije uplatnice/virmana ili izvod iz banke iz kojih je vidljivo da su obaveze za nabavljenu robu odnosno izvršenu uslugu plaćene)
- Za troškove putovanja kopiju ovjerenog putnog naloga sa priložima (avio/autobusne karte, obračun putnih troškova i fiskalni račun za sipanje goriva, račun za plaćeni smještaj, izvod iz banke gdje je vidljivo da je plaćanje izvršeno)
- Ugovore o djelu za učesnike projekta
- Dokaz da su honorari sa odgovarajućim porezima za učesnike projekta isplaćeni (kopije platnih lista, obrazac AUG-1031)

Pregled planiranih i ostvarenih troškova prilikom realizacije projekta

Rb.	Vrste troškova	Planirana/Odobrena sredstva (KM)	Utrošena sredstva (KM)	Razlika*
1				
2				
3				
4				
5				
6				
7				
8				
9				
10				
	Ukupno:			
Neutrošena sredstva (KM)**:				

* U slučaju razlike za svaku stavku priložiti posebno obrazloženje i dokaze

** Ukoliko postoje neutrošena sredstva izvršiti povrat na:

Transakcijski račun Budžeta Tuzlanskog kantona broj: 1321000309441357

Šifra prihoda: 000000

Općina: 000

Sa naznakom povrat neutrošenih sredstava po Odluci o odobravanju sredstava broj: (navesti broj i datum odluke)

Dokaz o izvršenoj uplati dostaviti na adresu: Ministarstvo obrazovanja i nauke, Muhameda Hevajja Uskufija 1

ANEKS III – Obrazac narativnog izvještaja

NARATIVNI IZVJEŠTAJ O REALIZACIJI NAUČNOG SKUPA

I. OSNOVNI PODACI

Naziv naučnog skupa:

Mjesto i datum održavanja:

Organizator(i):

Broj učesnika (ukupno / međunarodni / mladi istraživači):

II. CILJEVI I TEMATIKA SKUPA

Kratak opis ciljeva:

Naučne oblasti koje su obuhvaćene:

Relevantnost za naučnoistraživački razvoj:

III. REALIZACIJA SKUPA

Opis programa (plenarni dio, sesije):

Način izbora i evaluacije radova:

Eventualna odstupanja od plana:

IV. OSTVARENI REZULTATI

Broj prezentiranih radova:

Objavljeni zbornik / časopis:

Nove inicijative, saradnje, projekti:

V. NAUČNI I DRUŠTVENI EFEKTI

Doprinos nauci:

Doprinos razvoju Tuzlanskog kantona:

Uloga skupa u afirmaciji mladih istraživača:

VI. VIDLJIVOST I DISEMINACIJA

Veb stranica, publikacije:

Otvoreni pristup:

Baze u kojima je zbornik indeksiran (ako jeste):

Ime i prezime podnosioca izvještaja:

Potpis:

Datum:

Pečat institucije: